

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

De victore Idumaeorum Es. 63, 1 - 6

**Abicht, Johann Georg
Pfaffreuter, Christoph Heinrich**

Leipzig, 1712

VD18 14793431-ddd

§. XXII.

[urn:nbn:de:bsz:31-130619](https://nbn-resolving.org/urn:nbn:de:bsz:31-130619)

Maccabæi, qui in Accrabatena Idumæ regione cum filiis Esau bellum gessit & impetu in munitiones eorum facto loca obtinuit, viginti millia interemit, eorumque spolia cepit I. Macc. V, 1. & 2. X, 16. 17. Joseph. Antiq. XII. c. XI. p. 416. Joseph. Gorion. L. IV. c. XXI. p. 124. Tandem Joannes Hyrcanus Idumæ urbes cepit, subjugatis omnibus Idumæis, dixitque ut circumciderentur, nisi mallent e propriis pelli sedibus, qui patriæ amore circumcisionem admiserunt, ut & reliquam juxta Judaicos ritus vivendi formulam, atque ex eo tempore inter Judæos censeri cœpti sunt. Joseph. Antiq. L. XIII. c. 17.

§. XXII.

Judaicam olim Ecclesiam nostro Salvatore coram nostrum vaticinium de Idumæorum subactione accepisse, testatur Jonathanis Targum, qui alias multa vaticinia, quæ ad Messiam spectant, de eodem feliciter interpretatus est. Audiamus ipsam verborum nostrorum interpretationem: *Quis dixit hæc, qui adducturus est plagam super Idumæam, ultionem fortem super Rosram, ut faciat ultionem judicii populi sui, sicut juravit eis in verbo suo? Dixit: ecce ego appareo, sicut loquutus sum in justitia, multa virtus est coram me ad salvandum. Quare rubescunt montes sanguine occisorum, & valles defluunt quasi vinum in torculari? Ecce sicut calcantur in torculari uvæ, sic multiplicabitur occisorum in castris populorum; & non eis fortitudo coram me, & occidam eos in furore meo, & triturobo eos in ira mea, & conteram fortitudinem robustorum eorum coram me, & omnes sapientes eorum absorbebo. Quia dies ultionis coram me, & annus redemptionis populi mei pervenit. Simili modo vaticinium hoc explicavit Hugo Cardinalis in Commentario ad h. l. quia Idumæi, inquit, & Moabitæ de ipsorum Judæorum captivitate latati sunt, ideo hic eorum destructionem prædicit. Unde loquitur Prophetæ in persona Judaici populi, quærentis de Domini potentia, & eam admirantis, sub metaphora Viri bellatoris eade adversariorum maximis. Divi dicitur*

autem

autem hoc capitulum in tres partes principales. In prima parte Idumæorum & Moabitærum destructio prædicitur a Propheta. Idumæorum stragem hic prædici agnoverunt quoque doctissimi Angli in Annot. uti Polus refert in Synops. Edom hic est Idumæa Ela. XI, 14. Bosra autem duplex erat, una in Moab Jer. XLVIII, 24. altera in Idumæa, Gen. XXXVI, 31. 33. Jer. XLIX, 13. 22. Amos. I, 2. Quidam illam Moab intelligunt, quia Edom & Moab conjunguntur 1. Par. XVIII, 11. Sed malim esse hanc Idumæorum metropolin. Sic Edom & Bosra junctim occurrunt in loco huic par allelo Es. XXXIV, 6. Sed queritur, cur illustris hic Heros venire dicitur a clade Idumæorum & non potius Chaldæorum? Resp. horum meminit tanquam vicinorum, ut significet Judæos tranquillos fore, vicinis hostibus subactis: De Idumæa interpretatur quoque Grotius. Idumæi plurimum semper gavisi fuerunt Judæorum malis, Psal. CXXXVII, 7. Ideo multum ad rem pertinebat solatium hoc ex malis, quæ Idumæis per Judæos eventura erant per Prophetam Judæis velut representari. Licet non omnia ejusdem dicta approbemus.

§. XXIII.

Nulla itaque apparet ratio, quæ Clarissimum Kortum movere potuisset, ut nostrum vaticinium cum Mufculo in h. l. de Chaldæorum clade in nova sua versione p. 376. interpretaretur: Ich Jesaias sehe schon jetzt als gegenwärtig die künftige grosse Niederlage der Chaldæer, welche vor dieser mächtigen Erlösung hergehet! Ich sehe den Jehova in seiner Macht daher treten wie einen Held, der aus der Schlacht kömmt, und an dessen Kleidern man noch das Blut der Erschlagenen siehet. Alle Völkler umher sehen mit Erstaunen auf ihn, und fragen: Wer ist der, so sich in so arößer Majestät darstelllet, und die mächtigsten Völkler zu Boden schläget durch seinen Zorn? Er aber antwortet: Ich Jehova bin es, ich der ich wider Babel das Urtheil ausgesprochen, daß sie verstorret, und mein Volk aus ihrer Gewalt errettet werden solle. Partim enim gen-

E

tium